

Due rationes
singulares de
ieiunio qua-
dragesime.

Quadruplex
ratio que eo
tpe anni qua-
dragesime cele-
bratur.

Comendatio
quadragesime.

seculo viximus totū. Quinta que dicitur Augustini: quoniam matheus quadraginta generationes posuit. Ad hoc enim deus suo quadragenario numero ad nos descendit ut nos ad eum quadragenario numero ascendamus. Sexta est eiusdem Augustini in quodam sermone. Quia primum cum mundi faciem iniquitas possideret tot diebus curriculo deus effusus e celo imbribus universam terram diluuiio superfundit. Unde ergo iam illo tempore mysterium in figura dispositum. Nam sicut tunc quadraginta diebus pluit ad pernicandum mundum ita et nunc quadraginta diebus miseretur ad hominem purificandum. Tertio notandum est cum in quadagesima imitemur ieiunium christi et ipse statim post baptismum scilicet post epiphaniam suum ieiunium inchoauerit: quare nos hoc tempore ieiunium inchoamus et id cum pascha continuamus? Ad hoc quadruplex ratio assignatur. Prima quia in quadagesima representamus israeliticum populum qui annis quadraginta fuit in deserto et statim post celebravit pascha. Secunda quia feruor libidinis tempore verno solet magis accendi ad quem restringendum institutum est huius temporis ieiunium. Tertia quia christi passioni resurrectio continuatur: igitur rationabile fuit ut afflictio nostra continua esset passioni saluatoris cum ipse pro nobis passus sit et nos ei copati debemus ut ita tandem coregnemus. Quarta quia statim post ieiunium debemus recipere corpus christi. Sicut ergo filii israel antequam comederent agnum se affligebant: lactucas agrestes et amaras comedentes: ita et nos per penitentiam amaritudinem debemus prius affligi ut digni velemus corpus domini sumere. Quarto notandum est quod tempus quadagesimale est tempus penitentiae: tempus ieiunij: tempus lachrymarum: et tempus salutis: tempus iustificationis tempus reconciliationis: tempus certaminis: et tempus accumulationis meritorum. Unde Petrus ravennas in sermone de quadagesima: Ecce tempus quo miles procedit ad campum: recurrit ad dei ieiunia christianus. Ecce tempus quo carnis ocia: quo mentis ignavia quo ventris cura: et tota est fami-

liaris obsequij deponenda torpedo. Ecce tempus quo armorum celestium meditatione anime et corporis exercere sunt vires. Ecce tempus in quo resident christo astantibus angelis nostri luctaminis exercenda est fortitudo. Ecce tempus in quo gula cum ieiunio: abstinentia cum crapula: cum luxuria castitas: fides cum perfidia: pietas cum impietate: patientia cum furore: impietas cum liberalitate: misericordia cum auaricia: humilitas cum superbia: sanctitas cum reatu christo remunerante confligit. Sequitur (Tamen quia paucorum est ista virtus) scilicet ieiunij et fletibus omni die tederere (Ideo suademus istis diebus quadagesime omni puritate) tam carnis quam spiritus (vitam suam custodire id est omnes pariter negligentias aliorum temporum his diebus sanctis diluere) Dicit enim apostolus prime ad corinthios. vj. Ecce nunc tempus acceptabile: ecce nunc dies salutis. Quamuis enim ut ait leo papa in sermone quodam quadagesime: nulla sint tempora que diuinis non sint plena muneribus: et semper nobis ad misericordiam dei per ipsius gratiam prestat accessus: nunc tamen omnium mentes maiori studio ad spirituales profectus moueri et ampliori fiducia animari oportet quando ad universa pietatis officia illius diei in quo redempti sumus recursus inuitat ut excellens super omnia dominice passionis sacramentum purificationis et corporibus et animis celebremus. Ingressuri itaque dies mysticos et purificationis animis atque corporibus sacratius institutos preceptis apostolicis obedire curemus: emundantes nos ab omni inquinamento carnis et spiritus. Non enim in sola abstinentia cibi stat nostri summa ieiunij: aut fructuose esca corpori subtrahitur nisi mens ab iniquitate reuocetur: et ab execrationibus lingua cobibeatur. Recte ergo sanctus pater Benedictus persuadet quod in istis diebus quadagesime studeat discipulus omni puritate vitam suam custodire et omnes pariter negligentias aliorum temporum his diebus sanctis diluere. Sequitur secundus (Quod tunc digne fit si ab omnibus vitis nos temperemus) id est abstineamus. Augustinus: Ieiunium magnum et generale est abstinere ab iniquitatibus et illicitis seculi voluptatibus (ora-

Maxime tpe
quadragesime
bonis opibus
est insistendum

Fructuosa ab
abstinentia.